

## Script of Evening Gojri News Bulletin 28 November 2024 at 1700 Hrs

ایوننگ گو جری نیوز بلیٹن مو رخہ 28 نومبر 2024

\*\*\*\*\*

یوہ آکا شوانی جموں بے عبید الرحمن تے ظفر اقبال تیں خبر سُنو۔ پہلاں خاص خاص خبر۔

\*\*\*\*\*

\*1۔ صدر جمہوریہ درویدی مُرمونے بھارتی دفاعی صلاحیتی نظام ور زور دیتاں واں کہیو جے بھارت غا دفاعی نظام نے عالمی سطح ور توجہ حاصل کی بے جس مانہہ ایجاد تے خود مختاری شامل بے۔

\*2۔ پارلیمنٹ گا دوہاں ایواناں غی کاروائی اج حذب اختلاف تے برسرے اقتدار غا شور شرابہ غے بشکار آتے کل توڑی ملتوی کر دتی بے۔

\*3۔ مرکزی وزیر ڈاکٹر ایس جے شنکر نے کہیو بے جے سرکار غی یاہ اولین ترجیح بے جے واہ اقوام متحدہ سکیورٹی کونسل غا بدھتا ممبراں غا مستقل ممبراں مانہہ اپنی جگہ بناوے۔

\*4۔ سرکار نے کہیو بے جے پی ایم ویشو کرما سکیم غے تحت 25 لکھ مستفید لوکاں نے اس سکیم غے ذریعے اپنا اندراج کیو بے۔

\*\*\*\*\*

خبراں غی تفصیل نال پہلاں عبید الرحمن۔

### Prez Defence

صدر جمہوریہ درویدی مُرمونے کہیو بے کہ بھارت اپنی دفاعی صلاحیتاں غی وجہ نال پوری دُنیا غے اندر توجہ غو مرکز بے۔ ولینگٹن او ٹی مانہہ دفاعی خدمات عملہ غا تربیتی کالج مانہہ اپنا خطاب غے دوران صدر جمہوریہ نے کہیو کہ بھارت غا دفاعی نظام مانہہ مضبوط خواتین فوجی دستہ شامل ہیں اور مُلک نانہہ اس گل ور فخر بے۔ دُنیا غا سب تیں اونچا جنگی میدان، سیا چن مانہہ اپنا حالیہ دورہ غو ذکر کرتاں واں موصوفہ نے کہیو کہ خواتین فوجی اہلکار ان مشکل جگہاں ور وی خدمات انجام دے رہی ہیں۔ صدر جمہوریہ نے کہیو کہ اس پروگرام غے دوران اُن گا بحریہ غی کمانڈینگ افسران نال ملاقات تے نوجوان، اگنی ویر، فوجیاں نال ملائی غو موقعو ملیو۔ موصوفہ نے کہیو کہ یہ فوجی دستہ مُلک غی خاطر اپنی جاتاں غو نظرائو پیش کر دیں اور مُلک غی حفاظت خاطر ان فوجیاں غا کُنباں نانہہ وی مبارکباد پیش کی جے جہیزا ان جواناں نانہہ فوج مانہہ مُلک غی حفاظت خاطر بھیجیں۔ موصوفہ نے کہیو کہ بھارت اس وقت عالمی سطح ور تمام طرح غی للکاراں ور نیڑویں نظر رکھے۔

\*\*\*\*\*

### Parliament Adjourned

اج پارلیمنٹ غی کاروائی حذب اختلاف غی نعرے بازی تے اک مخصوص تجا رتی گروپ ور رشوت خوری غا الزام تے دیگر کئی معاملات ور بحث غی مانگ غے پیش نظر معطل کرنی پئی۔ حذب اختلاف پارٹیاں مانہہ کانگریس، سماجی وادی پارٹی، ڈی ایم کے، تے دیگر پارٹیاں غا ممبران نے پارلیمنٹ غے اندر کئی معاملات ور ہنگامہ آرائی تے نعرے بازی غو سلسلو شروع کر دتو۔ جس دوران ایوان غی کاروائی معطل کرنی پئی۔ ایوان بالا مانہہ 12 بجے دوبارہ کاروائی شروع کی گئی جس دوران کانگریس، ڈی ایم کے، ٹی ایم سی، ایس پی تے عام آدمی پارٹیغا ممبران نے نعرے بازی کی اور

ایوان غی کا روائی نانہ معطل کرن غو مطالبو کیو۔ راجیہ سبھا غا چیرمین جگدیپ دھنکڑ نے حذب اختلاف ممبران تیں اپیل کی کہ وے اپنی نشست ور واپس جائیں لیکن ان ممبران نے نعرے بازی غو سلسلو جاری رکھیو۔ چیرمین موصوف نے کہیو کہ پا رلیمنٹ غے اندر تعمیری بحث ہونی چاہیے اور حذب اختلاف ممبران نانہ ایوان غی کا روائی احسن طریقہ نال چلن دینی چاہیے۔ جناب دھنکڑ نے کہیو کہ ایوان غی کا روائی مانہ خلل غے نال جمہوریت غا نظام نانہ نقصان پُجے۔ لوک سبھا مانہ وی اج سویرے ایوان غی کا روائی معطل کی گئی۔ لیکن 12 بجے دوبارہ ایوان غی کا روائی شروع کی گئی جس دوران حذب اختلاف ممبران نے کئی معاملات ور نعرے بازی کی جس غے چلتیں ایوان غی کاروائی معطل کرنی پئی۔ پارلیمانی امور غا مرکزی کرن رجیجو نے حذب اختلاف غا اس رویہ ور سخت مزمت کی ہے۔ اجتماع پارلیمانی کمیٹی غا چیرمین نے وقف ترمیمی بل 2024 واسطے کمیٹی رپورٹ نانہ بجٹ اجلاس 2025 مانہ پیش کرن غی تجویز رکھی ہے۔ اس تیں پہلاں اج سویرے کانگریس لیڈر پرینکا گاندھی وادہ، تے رویندر وسنت راؤ چوان نے حالیہ ضمنی انتخابات مانہ شاندار کامیابی حاصل کرن تیں بعد اج لوک سبھا مانہ ممبر پارلیمنٹ غے طور حلف لیو ہے۔

\*\*\*\*\*

### Congress Parliament

کانگریس نے کہیو ہے کہ سرکار غا کم کاج غے نال پارلیمنٹ اک ایسی جگہ ہے جت عوام غا بے شمار مسائل تے معاملات ور گل بات کی جا سکے۔ پارلیمنٹ غے باہر ذرائع ابلاغ نال گل کرتاں وان کانگریس لیڈر گورو گگوئی نے کہیو کہ جمہوریت غو مطلب ہر اک نانہ نال لے غے چلنو ہے۔

\*\*\*\*\*

### CS - H&ME

چیف سیکریٹری اتل ڈلو نے اج صحت تے طبی تعلیم محکمہ غا افسران نال میٹنگ کی اور اُن بلاکس غی نشاندہی کی جت دوائیاں غی قلت ہے۔ اس معاملہ ور موصوف نے کئی اقدامات چایا جان غی ہدایت جاری کی اور کہیو کہ دیہی علاقوں غے اندر کم کاج کرن آلا طبی عملہ نانہ خصوصی معاونت فراہم کی جائے۔

\*\*\*\*\*

### DC Kishtwar JKSSB

ضلع ترقیاتی کمشنر کشتواڑ راجیش کمار شون نے ضلع مانہ جموں کشمیر سروس سلیکشن بورڈ غی طرفوں لیا جان آلا کانسٹیبل غی آسامیاں واسطے امتحان جہیڑو جے دسمبر 2024 نانہ لیو جائے گی تیاریاں غو جانزو لیو تے کہیو جے اس بارے تمام انتظامات مکمل کر لیا گیا ہیں۔ قابل ذکر ہے جے یوہ کانسٹیبل امتحان 1 دسمبر نانہ تہاڑی 12 بجے توں 2 بجے غے بشکار لیو جائے گو۔ یوہ کانسٹیبل امتحان کشتواڑ توں علاوہ تمام باقی 19 ضلعان مانہ وی منعقد کرایو جائے گو۔ ضلع ترقیاتی کمشنر نے جانکاری دتی جے پورا ضلع مانہ 5 ہزار 8 سو 73 خواہش مند اس امتحان مانہ حصو لیں گا۔

\*\*\*\*\*

### IFFI Goa

ریاست گواہ مانہ جاری 55 ویں بین القوامی فلم میلہ غی تقریب اج شام نانہ اختتام پزیر ہو جائے گی۔ امید کی جا رہی جے اس اختتامی بین القوامی میلہ تقریب مانہ

بھارتی سنیما غا بڑا بڑا نامی شخص وی موجود ویں گا۔ اس تقریب مانہہ کو ویٹیڈ گولڈن پی کاک اعزاز غو وی اختتام تقریب مانہہ اعلان کیو جائے گو۔ قابل ذکر ہے جسے اس میلہ مانہہ 180 فلم جھیڑی جسے بکھ بکھ زبانان مانہہ ہیں سیکرین ور دسی گئی۔  
\*\*\*\*\*

### SC Yasin Malik

عدالت عظمیٰ نے آج سی بی آئی غی دائر کردہ عرضی ور علیحدگی پسند لیڈر یا سین ملک تے دیگر افراد غو جواب طلب کیو ہے۔ سی بی آئی غی طرفوں اس عرضی مانہہ علیحدگی پسند لیڈر تے اُن غا ساتھیان ور دائر مقدمات وچوں 2 مقدمات مانہہ جموں تیں دہلی منتقل کرن غی مانگ کی گئی تھی۔ اس ضمن مانہہ عدالت عظمیٰ غا جج ابھے ایس اوکا، تے اگسٹن جارج مسی نے یا سین ملک تے دوجا ملزماں مانہہ اک نوٹس جاری کر غے 18 دسمبر تک اپنا جواب دائر کرن غو حکم دتو ہے۔ سماعت غے دوران سولیسٹر جنرل نوشار مہتا نے پنج مانہہ دسیو کہ یا سین ملک مانہہ سماعت غے دوران جموں حاضر کرن غی ضرورت نہیں ہے۔ اور تہاڑ جیل غے اندر اک عدالت قائم ہے جس مانہہ ویڈیو کانفرنسنگ غی تمام سہولیات دستیاب ہیں۔ اس معاملہ غی اگلی سنوائی 18 دسمبر مانہہ رکھی گئی ہے۔ واضح رہے جسے عدالت عظمیٰ نے اندر سی بی آئی غی اک عرضی ور سنوائی غے دوران جموں ٹرانل عدالت غا 20 ستمبر 2022 غا اک حکم نامہ ور بحث چل رہی تھی۔ جس مانہہ عمر قید غی سزا کٹ رہیا یا سین ملک مانہہ جموں ٹرانل کورٹ مانہہ پیش کرن غو حکم دتو گئیو تھو۔ یوہ معاملو سیا سی لیڈر مفتی محمد سعید غی بیٹی روبیہ سعید غا اگواہ کیا جان غے متعلق ہے۔ سی بی آئی نے کہیو ہے کہ یا سین ملک جموں کشمیر فرنٹ غو اک اعلیٰ لیڈر ہے اور قومی حفاظت نظام واسطے اک بڑو خطرو ہے۔ لہذا یا سین ملک مانہہ تہاڑ جیل تیں باہر لیان غی اجازت نہیں دتی جانی چاہیے۔ واضح رہے جسے یا سین ملک مانہہ مئی 2023 مانہہ اک خصوصی این آئی اے عدالت غی طرفوں دہشت گردان مانہہ مالی تعاون فراہم کرن آلا معاملہ مانہہ تہاڑ جیل غے اندر قید کیو گئیو تھو۔  
\*\*\*\*\*

یہ خبر تم آکاشوائی جموں تیں سن رہیا ہیں خبران غا باقی حصہ نال ظفر اقبال۔

### RS Jaishanker UNSC

بھارت اس وقت اقوام متحدہ ممبر ریاستان نال مل غے اقوام متحدہ سکیورٹی کونسل مانہہ مزید وسعت دے رہیو ہے۔ اور نوی دہلی وے تمام لوازمات پورا کرے جس نال یوہ ملک اقوام متحدہ سکیورٹی کونسل غو مستقل ممبر بن سکے۔ خارجہ امور غا وزیر ڈاکٹر ایس جے شنکر نے راجیہ سبھا مانہہ یاہ گل کہی۔ وزیر موصوف نے کہیو کہ سرکار اس کونسل مانہہ ملک مانہہ شامل کران خاطر اہم اقدام کر رہی ہے۔ اس سلسلہ مانہہ ملک کئی دیگر ممالک غے ہمراہ ترقی کر رہیو ہے۔ اور جی 4 ممبر گروپ مانہہ بھارت غی شمولیت اس غو ثبوت ہے۔ جناب جسے شنکر نے کہیو کہ پی 5 ممالک جن مانہہ امریکہ، چین، فرانس، روس تے برطانیہ شامل ہیں۔ تے وی بھارت غی اقوام متحدہ سکیورٹی کونسل مانہہ شامل کرن غی حمایت کی ہے۔  
\*\*\*\*\*

### LS PM Vishwakarma

سرکار نے جانکاری دتی ہے جسے پی ایم ویشو کرما سکیم غے ذریعے مستفید ہون آلاں غی تعداد 25 لکھ ہے جن نے اس سکیم واسطے اپنو اندراج کرایو ہے۔ چھوٹا بہت چھوٹا اور درمیانہ درجہ غا کاروباری اداران غا وزیر مملکت کرانڈلاجے شوبھا نے

اج اک تحریری جواب مانہ یاہ جانکاری لوک سبھا غی جاری کا روائی غے دوران دسی۔ وزیر مملکت نے مزید جانکاری دیتاں واں دسیو جے اس سکیم غے ذریعے 18 لکھ بکھ ٹریڈ مانہ ہنر مندی تے دستکاری کرن آلاں نانہ سرکار غی طرفوں مدد فراہم کی جائے گی۔ انہاں نے مزید دسیو جے 2 ہزار 1 سو 22 کروڑ روپیاں توں متی رقم پی ایم ویشو کرما سکیم غے تحت ستمبر 2023 توں اکتوبر 2024 تک منظور کی گئی ہے۔ وزیر موصوف نے دسیو جے سرکار نے اس سکیم غے ذریعے 30 لکھ کاریگراں غا اندراج غو ہدف طے کرنو ہے۔

\*\*\*\*\*

## ESIC PMJAY

روزگار تے محنت کش وزارت نے دسیو ہے جے امپلائ سٹیٹ انشورنس کا رپو ریشن مزدوراں غی صحت دیکھ بھال بارے کم کر رہی ہے۔ تے اس ضمن مانہ انہاں نے کم کرن آلا مزدوراں تے اُن گا اہل خانہ واسطے آیوشمان بھارت پردھان منتری جن آروگیا یوجنا سنگ مل غے اُن غی فلاح و بہبود واسطے بہتر کم کیو ہے۔ وزارت نے دسیو ہے جے اس پہل نے 14 کروڑ 43 لکھ افراد نانہ فائدو پجایو ہے۔

\*\*\*\*\*

## Goyal Growth

صنعت و تجارت غا مرکزی وزیر پیوش گوئل نے کہیو ہے جے بھارت غی ہر شعبہ مانہ بدھتی ترقی ہون سنگ بین القوامی تجارت، تکنیک تے خرچ نے ات پُر کشش جگہ خرچ کرن واسطے چنی ہے۔ نوی دہلی مانہ اج سویرے اک پریس کانفرنس سنگ خطاب کرتاں واں جناب گوئل نے ڈیجیٹل بھارت مہم بارے کم کیا جان وں دستاں واں کہیو جے اس سنگ پورا ملک مانہ اک انقلاب آو ہے۔ وزیر موصوف نے ترقی ڈھانچہ تے نیٹ ورک بارے گل کرتاں واں کہیو جے اُن ملکاں غے بشکار اس قسم غا تکنیکی بدلاؤ کرن اُن گا دوستانہ تجارتی نظام مانہ کوئی وی تبدیلی رونما نہیں ہوئی۔ جناب گوئل نے آزاد تجارت کا ری معاہدہ بارے گل کرتاں واں کہیو جے بھارت برطانیہ غی حکومت سنگ اس مسئلہ ور گل بات سرمائی پارلیمنٹ اجلاس ختم ہون توں بعد لگاتار جاری رکھے گو۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔